

Datum: 26.2. 2026.

Broj: 2-06-1053

TI BiH PREDSTAVIO 13 BAZA PODATAKA KOJI POMAŽU OTKRIVANJU KORUPCIJE

Sarajevo, 26. februar 2026. godine – Za efikasnu borbu protiv korupcije ključan je nadzor nad trošenjem javnog novca a svima koji žele da prate i kontrolišu rad vlasti Transparency International u BiH predstavio je 13 baza podataka koje pomažu otkrivanju nepravilnosti. Na ovim platformama mediji, organizacije civilnog društva, aktivisti i svi zainteresovani građani mogu saznati kako se troši javni novac i koliko ga odlazi na firme povezane sa izabranim zvaničnicima jer gotovo [36% onih koji su nakon opštih izbora prijavili vlasništvo u privatnim preduzećima](#) ima poslove sa državom.

[Registar funkcionera](#) otkriva preko 300 političkih lidera koji obavljaju višestruke funkcije ili sjede na čelu udruženja koja se finansiraju iz budžeta čime direktno krše važeće zakone o sukobu interesa. Registar koncesija pruža širu sliku o upravljanju javnim resursima i politički povezanim investitorima dok ostale baze pomažu otkrivanju njihove veze sa rukovodiocima institucija, javnih preduzeća i ustanova.

Na posebnim platformama TI BiH je objavio i podatke o transparentnost pravosudnih institucija i njihovim rezultatima u borbi protiv korupcije u pogledu broja istraga, optužnica i presuda za korupciju. Koliko je sistem zatvoren i koliko institucije opstruišu nadzor, najbolje ilustruju podaci iz [Indeksa pravosuđa](#) po kom čak 35% sudova i tužilaštava prekršilo je zakonski rok za odgovaranje na zahtjeve za slobodan pristup informacijama, 46% sudova ne objavljuje prvostepene presude, a 85% tužilaštava krije sporazume o priznanju krivice.

Osim što krije svoj rad od građana rad pravosuđa karakteriše činjenica da polovina tužilaštava u BiH uopšte ne vodi istrage za visoku korupciju, što predstavlja ozbiljan udarac vladavini prava i kulturi odgovornosti.

Zbog svega je potrebno pokretanje šire društvene rasprave o ovim pitanjima što je bio i povod održavanja konferencije „**Građani, alati i otvoreni podaci: Kako do informacija od javnog značaja**“ koju je Transparency International u Bosni i Hercegovini (TI BiH) održao danas u Sarajevu. Konferencija, koja je bila uvod za TI BiH Expo - Sajam baza i alata razvijenih sa ciljem omogućavanja lakšeg pristupa javnim informacijama što je ključno za prevenciju korupcije. Da je ovo suštinsko pitanje za evropski put, naglasio je i Nj.E. Åge Sandal Møller, ambasador Danske u BiH.

„Transparentnost i pristup informacijama za građane i medije su suštinski preduslovi svakog demokratskog društva. Otvoreni podaci ne samo da jačaju povjerenje u institucije, već su i ključni alat u borbi protiv

Udruženje za borbu protiv korupcije “Transparency International” u Bosni i Hercegovini
Reg. Br. UP08-07-1-616/11, Ministarstvo pravde BiH, Sarajevo

Sjedište: Krfska 64e, 78000 Banja Luka, Tel/Fax +387 51 224 521, 216 369, 224520
Ispostava: Zmaja od Bosne 20/1 71000 Sarajevo Tel/Fax +387 33 220 049, 220 047
E-mail: info@ti-bih.org

ti-bih.org | transparentno.ba | prijavikorupciju.org

korupcije i pokretač ekonomskog rasta. Danska je zemlja zasnovana na povjerenju u institucije, a borba protiv korupcije je esencijalna na EU putu Bosne i Hercegovine. Naša podrška ima za cilj ohrabriti napore civilnog društva čija je nadzorna uloga apsolutno neophodna", izjavio je ambasador Møller.

Iz delegacije Evropske unije u BiH istakli su da je dostupnost informacija od javnog značaja ključna za osnaživanje građana u demokratiji.

„Zbog toga je od ključnog značaja za BiH da uspostavi pravedan i efikasan mehanizam za praćenje sprovođenja zakona koji garantuju slobodan pristup javnim informacijama, osigura nepristrasne pravne lijekove i izriče sankcije. Evropska unija će nastaviti da se zalaže za saradnju između javnih institucija, civilnog društva i medija kako bi se to postiglo", poručila je Aurelie Valtat, šefica Sektora za evropske integracije, politička pitanja, medije i informisanje u Delegaciji EU u BiH,

Kako bi olakšao pristup informacijama i razbio "zid ćutanja", TI BiH je pored pomenutih informacija javnosti na različitim platformama otvorio i podatke o poslovanju i upravljačkim strukturama [javnih ustanova](#) i [preduzeća](#), raspodjeli javnih sredstava [neprofitnim organizacijama](#), informacije o [procesuiranju korupcije](#) i [transparentnosti rada pravosuđa](#), praćenja [reformi na polju borbe protiv korupcije](#), te razne alate za nadzor nad raspodjelom javnih sredstava, jačanja integriteta institucija i odgovornosti nosilaca najviših javnih funkcija.